



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
Ustavno - pravna komisija
Broj: 01/1-011-1825/03
Sarajevo, 05.01.2004.

Z A P I S N I K

sa 20. sjednice Ustavno - pravne komisije

Sjednica je održana 05.01.2004. godine s početkom u 12,00 sati.

Sjednici su prisustvovali članovi Komisije:

- | | |
|----------------------|-------------------|
| 1. Mirsad Ćeman | 6. Ivo Miro Jović |
| 2. Martin Raguž | 7. Petar Kunić i |
| 3. Tihomir Gligorić | 8. Beriz Belkić. |
| 4. Seada Palavrić | |
| 5. Momčilo Novaković | |

Sjednici nije prisustvovao član Komisije Nijaz Duraković.

Sjednici nisu prisustvovali, predstavnici Vijeća ministara BiH.

Sjednici je prisustvovao sekretar Komisije Milan Zjajić i student stažista Nevena Golijanin.

Predsjedavajući Komisije Mirsad Ćeman, je pozdravio članove Komisije i predložio da se dnevni red predložen u pozivu proširi sa još tri tačke dnevnog reda (davanje mišljenja o ustavno pravnom osnovu), tako da je predložen sljedeći:

D N E V N I R E D

1. Verifikacija Zapisnika sa 18. sjednice održane 17. i 19.11.2003. godine,
2. Prijedlog zakona o prekršajima Bosne i Hercegovine, predlagač Vijeće ministara BiH,
3. Prijedlog zakona o važnosti javnih isprava u Bosni i Hercegovini, predlagač Vijeće ministara BiH,
4. Prijedlog zakona o izmjenama i dopunama Zakona o upotrebi i zaštiti naziva Bosne i Hercegovine, predlagač Vijeće ministara BiH,
5. Prijedlog zakona o izmjenama i dopunama Zakona o upravnom postupku, predlagač Vijeće ministara BiH,
6. Prijedlog zakona o izmjenama i dopunama Zakona o službenom glasilu Bosne i Hercegovine, predlagač Vijeće ministara BiH,
7. Prijedlog zakona o obavještajno-bezbjedonosnoj agenciji BiH, predlagač Visoki predstavnik,
8. Prijedlog zakona o izmjenama i dopunama Zakona o pravobranilaštvu BiH, predlagač Vijeće ministara BiH,
9. Prijedlog zakona o izmjenama i dopunama Zakona o Sudu BiH, predlagač poslanik Munib Jusufović i
10. Ostala pitanja.

Predloženi dnevni red je jednoglasno prihvaćen.

Ad. 1. Verifikacija Zapisnika sa 18. sjednice održane 17. i 19.11.2003. godine,
Zapisnik sa 18. sjednice održane.11.2003. godine je bez primjedbi verifikovan.

Ad. 2. Prijedlog zakona o prekršajima Bosne i Hercegovine,

Nakon kraće, ali iscrpne opće i rasprave o pojedinostima, Ustavno-pravna komisija je kao nadležna komisija:

1. Jednoglasno podržala principe predloženog zakona.
2. Konstatirala da je tri amandmana uložio poslanik Petar Kunić i jednoglasno prihvatila sljedeći amandman:

Amandman I

Član 1. mijenja se i glasi: "Ovim zakonom propisuje se nadležnost i postupanje prekršajnih sudova u Federaciji BiH, Republici Srpskoj i Brčko Distriktu Bosne i Hercegovine (u daljem tekstu prekršajni sudovi) kada odlučuju o prekršajima propisanim zakonima i drugim propisima institucija Bosne i Hercegovine"

Jedan amandman Komisija je većinom glasova odbila, a od jednog je predlagač odustao.

3. Jednoglasno prihvatila tekst Prijedloga zakona prekršajima Bosne i Hercegovine, kako ga je predložilo Vijeće ministara BiH sa usvojenim amandmanom i
4. Konstatirala da je predloženi zakon neophodno donijeti.

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenovan je predsjedavajući Komisije Mirsad Ćeman.

Ad. 3. Prijedlog zakona o važnosti javnih isprava u Bosni i Hercegovini,

Na početku rasprave o ovoj tački dnevnog reda nekoliko članova Komisije, a prije svih Petar Kunić i Momčilo Novaković su ukazali na nejasnoće u prijedlogu zakona i mogućnost da bez opravdanog razloga ogroman broj građana BiH bude upućen da na šalterima organa uprave danima čeka, plaća takse i maltretira se postupajući po pojedinim zakonskim odredbama, što nije neophodno. Istakli su da amandmani koje su predložili pokušavaju naći rješenja kojima bi se izbjegle takve situacije.

U nastavku rasprave neki članovi Komisije su istakli da su spremni dati podršku prijedlogu Vijeća ministara, a neki iznijeli svoje dileme.

Cijeneći tok rasprave predsjedavajući Komisije Mirsad Ćeman je predložio da se rasprava po ovoj tački dnevnog reda odgodi za narednu sjednicu, zbog ne prisustvovanja sjednici predstavnika Vijeća ministara BiH i da se Vijeću ministara BiH dostave i predloženi amandmani kako bi na narednoj sjednici mogli pojasniti sporna pitanja i dati komentare na predložene amandmane.

Ovaj prijedlog je jednoglasno podržan.

Ad. 4. Prijedlog zakona o izmjenama i dopunama Zakona o upotrebi i zaštiti naziva Bosne i Hercegovine

Nakon iscrpne opće i rasprave o pojedinostima, Ustavno-pravna komisija je kao nadležna komisija:

1. Jednoglasno podržala principe predloženog zakona.
2. Konstatirala da je amandmane uložio poslanik Vinko Zorić i jednoglasno prihvatila, uz neophodnu nomo-tehničku modifikaciju, sljedeće amandmane:

Amandman I

Dodaje se novi član 1. koji glasi: "U Zakonu o upotrebi i zaštiti naziva Bosne i Hercegovine (Službeni glasnik BiH", broj 30/03) u članu 2. dodaje se tačka

3.. institucije, udruženja građana i druga pravna lica koja su do stupanja na snagu ovog zakona u svom nazivu imale ime Bosna i Hercegovina i bile međunarodno priznate nastaviće nositi ime Bosne i Hercegovine.

4. institucije, udruženja građana i druga pravna lica iz predhodne tačke dužne su dostaviti potvrdu o međunarodnom priznanju Ministarstvu pravde u roku od 90 dana od dana stupanja na snagu ovog zakona"

Raniji članovi: 1.; 2.; i 3. postaju članovi 2.; 3.; i 4.

Amandman II

U članu 2. (raniji član 1.) dio teksta: "U Zakonu o upotrebi i zaštiti naziva Bosne i Hercegovine (Službeni glasnik BiH", broj 30/03)" se briše.

3. Jednoglasno prihvatila tekst Prijedloga zakona o izmjenama i dopunama Zakona o upotrebi i zaštiti naziva Bosne i Hercegovine, kako ga je predložilo Vijeće ministara BiH sa usvojenim amandmanima i
4. Konstatirala da je predloženi zakon neophodno donijeti.
U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenovan je predsjedavajući Komisije Mirsad Ćeman.

Ad. 5. Prijedlog zakona o izmjenama i dopunama Zakona o upravnom postupku

Nakon kraće opće i rasprave o pojedinostima, Ustavno-pravna komisija je kao nadležna komisija:

1. Jednoglasno podržala principe predloženog zakona.
2. Konstatirala da nije bilo uloženi amandmana.
3. Jednoglasno prihvatila tekst Prijedloga zakona o izmjenama i dopunama Zakona o upravnom postupku, kako ga je predložilo Vijeće ministara BiH i
4. Konstatirala da je predloženi zakon neophodno donijeti.

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenovan je predsjedavajući Komisije Mirsad Ćeman.

Ad. 6. Prijedlog zakona o izmjenama i dopunama Zakona o službenom glasilu Bosne i Hercegovine,

Nakon iscrpne opće i rasprave o pojedinostima, Ustavno-pravna komisija je kao nadležna komisija:

1. Jednoglasno podržala principe predloženog zakona.
2. Konstatirala da su amandmane uložili Momčilo Novaković i Mirsad Ćeman i većinom glasova odbila ponuđene amandmane,
3. Većinom glasova prihvatila tekst Prijedloga zakona o izmjenama i dopunama Zakona o službenom glasilu Bosne i Hercegovine, kako ga je predložilo Vijeće ministara BiH i
4. Konstatirala da je predloženi zakon neophodno donijeti.

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenovan je predsjedavajući Komisije Mirsad Ćeman.

Ad. 7. Prijedlog zakona o obavještajno-bezbjedonosnoj agenciji BiH,

Nakon provedene rasprave u kojoj su članovi Komisije Petar Kunić, Momčilo Novaković i Tihomir Gligorić osporili ustavni osnov za donošenje tvrdeći da je neophodno prenošenje nadležnosti sa entiteta, Ustavno-pravna komisija Predstavničkog doma je sa četiri glasa "za" i tri glasa "protiv", bez "uzdržanih" utvrdila sljedeće:

1. Postoji valjan ustavno-pravni osnov za donošenje Zakona o obavještajno-sigurnosnoj agenciji Bosne i Hercegovine,
2. Ustavni osnov sadržan je u članu III tačka 5. a) i članu II tačka 2. i 3. Ustava Bosne i Hercegovine, kako je i naveo predlagač,
3. Ponuđeni tekst je usklađen sa Ustavom Bosne i Hercegovine i
4. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

Ad. 8. Prijedlog zakona o izmjenama i dopunama Zakona o pravobranilaštvu BiH

Nakon kraće rasprave, Ustavno-pravna komisija Predstavničkog doma je jednoglasno utvrdila sljedeće:

1. Postoji valjan ustavno-pravni osnov za donošenje Zakona o izmjenama i dopunama Zakona o Pravobranilaštvu Bosne i Hercegovine,
2. Ustavni osnov sadržan je u članu IV tačka 4. a) Ustava Bosne i Hercegovine, kako je i naveo predlagač,
3. Ponuđeni tekst je usklađen sa Ustavom Bosne i Hercegovine i
4. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

Ad. 9. Prijedlog zakona o izmjenama i dopunama Zakona o Sudu BiH,

Bez posebne rasprave, Ustavno-pravna komisija Predstavničkog doma je jednoglasno utvrdila sljedeće:

1. Postoji valjan ustavno-pravni osnov za donošenje Zakona o izmjenama i dopunama Zakona o Sudu Bosne i Hercegovine,
2. Ustavni osnov sadržan je u članu IV tačka 4. a) Ustava Bosne i Hercegovine, kako je i naveo predlagač,
3. Ponuđeni tekst je usklađen sa Ustavom Bosne i Hercegovine i
4. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

Ad. 10. Ostala pitanja

Nije bilo prijedloga za ovu tačku dnevnog reda.

Pošto je dnevni red bio iscrpljen predsjedavajući je u 14,10 sati zaključio sjednicu.

SEKRETAR KOMISIJE
Milan Zjajić

PREDSJEDAVALAČI KOMISIJE
Mirsad Ćeman